

Habet bona mater Christum consolatorem pro filio, qui numquam derelinquit sperantes 796
in se. Melius est gaudere in vivente, quam dolere in moriente^a. Cur plangimus^{post Mai. 25.}
quod inmutare non possumus? Mortuus ad vitam praesentem revocari non valet¹;
vividus ad mortuum pervenire poterit. Corpus, quod tanta cura colimus, postmodum
5 vermium esca erit. Anima itaque meritorum qualitate vel gaudebit, vel contristatur;
et qualem sibi in paucis his diebus preparabit habitationem, talem aeternis recipiet
temporibus. Quapropter singulis momentis laborandum est pro requie animae, ut, dum
semper vivere debet, et semper beate et feliciter vivat.

Habeto me, obsecro, mater dilectissima, licet indignum^b pro carnali filio spiritalem
10 filium, non minore fide te diligentem, quamvis minore dignitate vigentem: nec de
longinquitate vel vilitate faciei meae contristeris, dum mea tecum in^c consolatione
sancti Spiritus caritas fideliter manet; et quod in me optimum est, id est fides non
ficta et caritas indeficiens, tecum semper habebis.

Ignorans in huius tempestatis miseria^d, quae nuper nostram turbavit gentem²,
15 quo te tua fortuna ferret vel voluntas; idcirco nescivi, quo te consilio roborarem, nisi
ut toto corde deo Iesu servires, et totam tuae consolationis spem in illius componeres
pietatem, qui ait: 'Venite ad me omnes, qui laboratis et onerati estis, et ego reficiam'^{Matth. 11, 28.}
vos. Tollite iugum meum super vos, et discite a me, quia mitis sum et humilis corde,
et invenietis requiem animabus vestris'.^{29.}

107.

20 *Alcvinus Arnoni episcopo Salisburgensi cum exercitu ad Avaros ituro respondet.*
Hortatur, ut decimis se abstineat, quibus etiam Saxones a fide deterreantur. Bonis omni-
bus eum prosequitur. 796 post Mai. 25.

Codd. S 1 fol. 112'—114' (S 1 fol. 12'—15), B fol. 72—74.*

Edd. M 7, B. Pez Thesaur. anecdot. II, 1, 3; M. Hansiz Germania sacra II, 108, F 72,
25 *J 64. — Migne col. 284.*

CARISSIMO UNANIMOQUE AMICO AQUILAE SUPERSPECULATORI^a IN CHRISTI
CARITATE SALUTEM.

Quarta feria post sanctam^a pentecosten⁴ litteras tuae beatitudinis accepi, caritate
conscriptas, consilio^b conroboratas, fide sigillatas^c; in quibus, sicut ortavi, audivi;
30 sicut speravi, agnovi⁵. Nec me spes fefellit consilii nec societatis cooperatio retardavit.

Vestrum^d vero iter ad probandam rei veritatem⁶ modo in praesentia dispositum
est⁷. Fortitudo vero exercitus, qui tecum vadit⁸, ad cautelam et defensionem vestri
directa est. Et hoc consilium quodammodo ab ipsis processit Hunis; et ideo in spe
voluntatis Dei laetus hoc iter perage.

35 ^a) morientem H. ^b) indigno H. ^c) in superscriptum est in H. ^d) miseriā H.

107. ^a) sem S 1, B. ^b) consilio conroboratas om. B. ^c) sigillatas S 1. ^d) Vester S 1, B.

1) Cf. supra p. 152: Noli lugere eum quem revocare non poteris. 2) Turbas illas abs dubio
intellegit, quae a. 796 post necem Aethilredi regis Northanhumborum (18. Apr.) et Ecgfridi regis Merciorum
(med. Dec.) a variis regni invasoribus motae fuerunt. FROBENIUS. 3) i. e. episcopo. 4) 25. Mai. 796.
40 5) Ex quo intellegi debet, sicut Paulinum patriarcham Aquileiensem (v. ep. 99 supra p. 143), ita etiam
Arnonem ab Alcino commonitum esse, ut Avaros ad Christi fidem convertendos susciperet, Arnonemque
annuisse litteris iam die 25. Maii allatis. J. 6) V. ep. 99 l. l.: Quorum (Avarorum) missi ad domnum
regem directi sunt, subiectionem pacificam et christianitatis fidem promittentes. Et si hoc — verum
est cet. J. 7) a Carolo rege. 8) exercitus Baioariorum. Annales Lauresham. (SS. I, 37) 796: In
45 ipso estate transmisit rex Carolus Pippinum filium suum cum suis quos in Italia secum habebat
et Paioarios cum aliqua parte Alamaniae in finibus Avarorum cet.; Ann. Alamann. 796 (ib. 48):
cum ipsis Langobardis et Bauguariis. J.